

ሥርዓተ ማኅሌት ዘሰኔ ሚካኤል

"ሰኔ ፲፪"

የማንኛውም ወርጋ በዓልና ክብረ በዓል ሥርዓተ ማኅሌት መጀመሪያ "ሥርዓተ ነግሥ" ስምዓን እግዚአብሔር ለሉሉ ሉሉ ወይብጻሕ ቅድሜክ ገዓርየ፡ ሃሌ ሉያ ሃሌ ሉያ፡ ወኢትሚጥ ገፀክ እምኔየ፡ በዕለተ ምንዳቤየ አጽምእ ዕዝነከ ኃቤየ፡ ሃሌ ሉያ ሃሌ ሉያ፡ አመ ዕለተ እጼውአክ ፍጡነ ስምዓን፡ ሃሌ ሉያ ሃሌ ሉያ፡ ለዓለም ወለዓለመ ዓለም፡ ሃሌ ሉያ ዘውኢት ብሂል፡ ንወድሶ ለዘሃሎ እግዚአብሔር ልዑል፡ ሰቡሕ ወውዱስ ዘሣረረ ኩሎ ዓለመ፡ በአሐቲቱ ቃል።

መልክዐ ሥላሴ
ሰላም ለጉርኤክሙ ስቴ አንብእ ሰብእ ዘኅሠሠ፡ ብኡላነ ሞገስ ሥላሴ ኢታንድዩኒ ሞገስ፡ እመትትኃየዩኒስ ኢትኅድጉኒ ጽኑሰ፡ ሚካኤልት ለአውጽኦ ስጋየ ጌሠ፡ ወእመ አኮ ገብርኤል ወሀበኒ ነፍሰ።

ዚቅ
ኢይጽኦቅ ዘይመክሮ ወኢየጎሥሥ ዘይመክሮ፡ አልቦቱ ጥንት ወኢተፍጻሜት፡ ኢየጎልቅ መንግሥቱ ወአልቦ ዘይክል መዊዓ ጎይሉ፡ ወአልቦ ኅልቁ ለሠራዊተ መላእክት እለ ይትለእክዎ፡ አንተ ውእቱ አቡሃ ለጥበብ፡ ገባሬ ኩሉ ፍጥረት ወገባሪሃ ለሕግ።

ነግሥ
ሰላም ለልሳንክ መዝሙረ ቅዳሴ ዘነበልባል፡ ወለድምፀ ቃልከ ሐዋዝ ቀርነ መንግሥቱ ለቃል፡ ሞገስ ክብሩ ሚካኤል ለተላፊኖስ ባዕል፡ አልቦ ዘይትማሰለክ በልማደ ምሕረት ወጎሕል፡ እንበለ ባህቲታ እኅትክ ማርያም ድንግል።

ዚቅ
አመ ይነፍህ ሚካኤል ቀርነ በደብረ መቅደስየ፡ አሜሃ ይትነሥኡ ሙታን፡ ይትፌሥሁ መላእክት በዕርገቱ፡ በፍሥሃ ወበሰላም እዕኮትዎ ለንጉሠ ስብሐት።

መልክዐ ሚካኤል
ሰላም ለዝክረ ስምክ ምስለ ስመ ልዑል ዘተሳተፈ፡ ወልደ ያፌድ ሄኖክ በከመ ፀሃፈ፡ ሶባ እጼውኢ ስመክ ከሢትየ አፈ፡ ረዳኤ ምንዳብን ሚካኤል በከመ ታለምድ ዘልፈ፡ ለረዲኦትየ ነዓ ሠፊሐክ ክንፈ።

ዚቅ
ሃሌ ሉያ ሃሌ ሉያ ዓቢተነ በመድኃኒትክ፡ ጸግወነ ንጸውዕ ስመክ፡ ኖላዊነ ጌር ትጉሕ ዘኢትነውም ሰላመክ ሀበነ።

ወረብ

ሀበነ ሰላመክ ንጸውዕ ስመክ/፪/

ዘኢትነውም ትጉሕ "ኖላዊነ ጌር"/፪//፪/

መልክዐ ሚካኤል

ሰላም ለልሳንክ በነቢበ ጽርፈት ዘኢተኃበለ፡ በእንተ ስጋሁ ለሙሴ አመ ምስለ ሰይጣን

ተበኃለ፡ ሚካኤል ክብርክ እምክብረ መላእክት ተልዕለ፡ ቀዊምየ ቅድመ ስዕልክ ሶበ አወትር

ስዒለ፡ በብሂለ ኦሆ ፍጡነ አስምዓኒ ቃለ።

ወረብ

ቀዊምየ ቅድመ ስዕልክ ሶበ አወትር ስዒለ/፪/

"በብሂለ ኦሆ"/፪/ ፍጡነ አስምኢኒ ቃለ/፪/

ዚቅ

አመ ይነፍሕ ሚካኤል ቀርነ በደብረ መቅደስየ፡ አሜሃ ይትነሥኡ ሙታን፡ ይትፌሥሁ መላእክት

በዕርገቱ፡ በፍሥሃ ወበሰላም አዕኮትዎ ለንጉሠ ስብሐት።

መልክዐ ሚካኤል

ሰላም ዕብል ለአስናኒክ ዘመንፈስ፡ ዘኢይረክቦን ጥረስ፡ ሚካኤል ረዳኢ ለእለ ውስተ ባሕር

ወየብስ፡ እስመ ረስይክ ካህነ ምሥዋኡ ክርስቶስ፡ መፍትው ሊተ ትተንብል ቀሲስ።

ዚቅ

ባሕራንኒ ይቤ ዘነገደ ባሕረ ምስሌሁ፡ ርኢክዎ ለሚካኤል ወስዕንኩ ጠይቆቶ፡ ዮም ሰማያዊ

በምድር አስተርእየ።

ወረብ

ባሕራንኒ ይቤ ዘነገደ ባሕረ/፪/

ርኢክዎ ለሚካኤል ወስዕንኩ ጠይቆቶ ስዕንኩ/፪/

መልክዐ ሚካኤል

ሰላም ለእስትንፋስክ ቁሱላነ ነፍስ ለአጥዕዮ፡ ዘይነፍሕ ጌና አንህዮ፡ ሚካኤል ነዓ ኩናተክ

በተረሰዮ፡ ለገቢር ከመ ቀዳሚ ለአርዌ አመፃ ደርብዮ፡ እስመ ኢጋደገ እንከ ዘትካት እከዮ።

ዚቅ

ወከሢቶ ረከበ ጎበ ይብል እዜንዎሙ ለነዳያን ፈነወኒ፡ ወእከስተ ሎሙ ግዕዛነ ለጼውዋን፡

ወእፈውስ ሎሙ ለቁሱላነ ልብ፡ ወእሰምዮ ለባሕራን ጎሩዮ፡ ዝኬ ዘተነግረ በመዋዕለ ትካት፡

ለ፳ኤል ጎብስተ መና ዘአውረደ በገዳም፡ ወርእየቱ ከመ ተቅጻ ወከመ ኢያያተ መዓር ጥዑም

ፈድፋድ።

ወረብ

"ወከሂቶ ረከበ"/፪/ ጎበ ይብል እዜንዎሙ ለነዳያን ፈነወኒ/፪/
ወእስብክ ሎሙ ግዕዛነ ለጼውዋን ወእስዎዮ ለባሕራን ጎሩየ/፪/

መልክዐ ሚካኤል

ሰላም ለእጻብኢክ መጽሐፈ እለ ለክዑ፡ ዕጉለ አባግዕ እምኖሎት በጊዜ ተመልዑ፡ ሚካኤል
አንተ ለንጉሠ ነገሥት ካህነ ምሥዋኡ፡ አሣዕነ መድኃኒት ለእገርየ እጻብኢክ ይቅጽዑ፡ ከመ
በፍናውየ የጎዝ ለሰላም ቅብዑ።

ዚቅ

ቅዱሳት እጻብኢክ ለጽሔፈ መጽሐፍ እለ ተቀንያ፡ ወብጾዓት አዕይንቲክ ምስጢረ መለኮት
ዘርእያ፡ ሚካኤል መልእክ ወሐዋርያ።

ወረብ

ምስጢረ መለኮት ዘርእያ አዕይንቲክ/፪/
ሚካኤል መልእክ ወሐዋርያ "ሚካኤል መልእክ"/፪//፪/

መልክዐ ሚካኤል

አምኃ ሰላም አቅረብኩ ለመልክዕከ ኩሉ፡ ለለአሐዱ አሐዱ ዘበበክፍሉ፡ ሚካኤል ክቡር
ለልዑል መልእክ ኃይሉ፡ ተወኪፈከ አምኃየ እምኑኃ ሰማያት ዘላዕሉ፡ ዕሴተ ጸሎተየ ፈኑ
ወእስብየ ድሉ።

ዚቅ

መልእክ ሰላምነ ሊቀ መላእክት ሚካኤል፡ ሰአል ወጸሊ በእንቲእነ፡ አዕርግ ጸሎተነ ቅድመ
መንበሩ ለንጉሥ ዓቢይ።

ወረብ

መልእክ ሰላምነ/፪/
ሊቀ መላእክት ሚካኤል ሰአል በእንቲእነ/፪/

ምልጣን

አመ ይሰቅልዎ አይሁድ ለእግዚእነ፡ ሚካኤል አርመመ ወገብርኤል ተደመ፡ ፀሐይ ጸልመ
ወወርኅ ደመ ኮነ፡ ወሪዶ እመስቀሉ አብርሃ ለኩሉ።

አመላለስ

ወሪዶ እመስቀሉ/፪/
እመስቀሉ አብርሃ ለኩሉ/፪/

ወረብ

አመ ይሰቅልዎ አይሁድ ለእግዚእነ/፪/
ሚካኤል አርመመ ወገብርኤል ተደመ/፪/

እስመ ለዓለም

እምድኅረ ተንሥእ እሙታን ዓርገ ውስተ ሰማያት በስብሐት አምላክ ምሕረት፡ ወተቀብልዎ አዕላፋ አዕላፋት፡ ወሚካኤል ሊቀ መላእክት በንፍሐተ ቀርን እምኅበ እግዚአብሔር፡ ስብኩ ትንሣኤ ውስተ ኩሉ ምድር።

ዓዲ (ወይም)

እስመ ለዓለም

ይቤሎሙ ኢየሱስ ለአርዳኢሁ፡ እዓርግ ሰማየ አቡየ ወአቡክሙ፡ ኅበ አምላኪየ ወአምላክክሙ፡ ዘንተ ይቤሎሙ ዓርገ ውስተ ሰማያት፡ ካዕበ ይመጽእ በዘዚአሁ ስብሐት፡ ሠርኅሙ ለሐዋርያት ብርሃኖሙ ለእለ ውስተ ጽልመት፡ መድኃኔ ነገሥት ክብሮሙ ለመላእክት ኖላዊሆሙ።

አመላለስ

በንፍሐተ ቀርን እምኅበ እግዚአብሔር/፪/

ስብኩ ትንሣኤ ውስተ ኩሉ ምድር/፪/

ኦ አምላክ ቅዱስ ሚካኤል ዕቀብ ሕይወተኝ ወሥረይ ኅጢአተኝ፤

አድኅነነ ወባልሐነ ከመ ኢይርከብ ኃይለ ላዕሌነ ዝንቱ ደዌ ዘኮነ በመዋዕሊኝ።

ክፍለኝ እምበረከትክ ቅድስት፡ በጸሎተ ኩሎሙ ቅዱሳን እለ አሥመሩክ እምፍጥረተ ዓለም።